

Avatangiisinik Aqutsisoqarfik

Pituffimmi titaniummisiarfissap avatangiisinut sunniutissaanik naliliinermi najoqqutassat pillugit Danmarkimi Avatangiisinik Nukissiutinillu Misissuisoqarfiup / Pinngortitaleriffiup FinnAustimut akissuteqaataat

Pituffimmi titaniummisiarfissap avatangiisinut sunniutissaanik naliliinermi najoqqutassat inaarutaasut tamanut tusarniaassutigineqartut pillugit Danmarkimi Avatangiisinik Nukissiutinillu Misissuisoqarfiup / Pinngortitaleriffiup oqaaseqaataat matumuuna nassiunneqarput.

Nalunaarusiami Immikkoortoq II, Avatangiisinut Sunniutissanik Naliliinermi tunngavissat, eqqarsaatigalugu Danmarkimi Avatangiisinik Nukissiutinillu Misissuisoqarfiup / Pinngortitaleriffiup paasivaa qupperneq 32-imi oqaasertat aammalu tabel 3-ip suliareqqinneqarnerisa 04-ianiit allanngortinneqarsimmamata Danmarkimi Avatangiisinik Nukissiutinillu Misissuisoqarfiup / Pinngortitaleriffiup allagaqaatai 16. februar 2017-meersut naapertorlugit. Allakkatigut taakkunuuna kaammattuutigineqarpoq “Ukiut ingerlanerini ingerlaartarnerisa piffissakkut allanngorarneri amerlassusiisalu allanngorarneri paasilluarumallugit timmisartumiit miluumasunik imarmiunik misissuinerit 2018-imissaaq ingerlanneqassasut” aammalu “immap natermiuinik misissuinissanik pilersaarutini uillut kissavaasallu kisiisa pinnagit misissuisoqartariaqarnera pingaartillugu erseqqissarneqarpoq paasisatigummi taakkunuuna uumasut neriniarfigisartagaat neriniarfigisartagaat takussutissiorneqassammata, soorlu timmissat neriniartarnerat eqqarsaatigalugu, aamma tamatumuunakkut aatsitassarsiorfiup pinngortitamut sunniinera sioqqullugu pissutsit qanoq issusiinik ilisimasat ilapittorneqassammata.”

Tabel 3-imi 2017 aamma 2018-imi timmisartukut misissuinissat ilanngunneqarsimalerput, taamaattorli nalunaarusiap oqaasertaani ilaanatik. Timmisartukut misissuineri periaatsit atorneqartussat immikkut allaaserineqarput (Dundas Titanium, miluumasunik imarmiunik timmisartukut kisitsinermi periaatsit pillugit allakkiaq, qupp. 6) taannalu naliliinermi tunngavissanut ilanngunneqarnissaa kaammattuutigineqarpoq.

Immap natermiuinik misissuinissaq eqqarsaatigalugu oqaasertaanut ilanngunneqarsimagaluartoq taamaattoq tabel 3-imi ersernerluppoq aatsitassarsiorfiup avatangiisinut sunniuteqannginnerani pissutsitt misissuiffigineqarnissaat immap natermiuinik misissuinerit ilaanersoq. Ajornartorsiut tamanna Orbiconip, EAMRA-p aammalu DCEp maajip ulluisa 9-ianni 2017 ataatsimiinneranni eqqaaneqarpoq, tassanilu isumaqatigiissutigineqarpoq 2017-imi immap natermiuinik misissugassanik katersinermi misissuiffiit annertusineqassasut siusinnerusukkut allakkatigut Danmarkimi Avatangiisinik Nukissiutinillu Misissuisoqarfiup / Pinngortitaleriffiup kaammattuutigisaatut immap natermiuisa assigiinngissitaartut suussusiinik misissueqqissaarneq siunertaralugu. Misissueqqissaarneq taanna 2018-imi immap natermiuinik misissuinissamik ilusilersuinerit atorneqassaaq, aammalu aatsitassarsiorfiup avatangiisinut sunniutaanik misissuisarnissanut ilaassalluni.

Immikkoortoq 12.11-imi Qanganitsanut Kulturikkullu Kingornussanut tunngasut naliliivigissallugit Danmarkimi Avatangiisinik Nukissiutinillu Misissuisoqarfiup / Pinngortitaleriffiup immikkut piginnaaneqarfiginngilaat, inassutigissavarpulli tamaani qanganitsanik misissuinerup pisariaqannginneranik Nunatta Katersugaasivia ilisimatinneqassasoq tassungalu tamanna uppersartinneqassasoq.

Susse Wegeberg David
Boertmann Ole Geertz-
Hansen

Date 19th May 2017

Page 1/1

DCE
Aarhus University
Frederiksborgvej 399 P.O.
Boks 358 4000 Roskilde,
Denmark

PINNGORTITALERIFFIK
Greenland Institute of Natural Resources
Kiviok 2
P.O. Boks 570
3900 NUUK